



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Health

Broj: 10-04-18506-36/22

Sarajevo, 02.08.2022. godina

**SKUPŠTINA KANTONA SARAJEVO**  
-Skupštinska služba-

**PREDMET** : Odgovor na zastupničku inicijativu – dostavlja se

Zastupnica **Jasna Duraković** na 52. Radnoj sjednici Skupštine Kantona Sarajevo, održanoj dana 09.06.2022.godine, u okviru tačke Dnevnog reda “Poslanička/zastupnička pitanja, inicijative i odgovori”, a u skladu sa članovima 211. i 214. Poslovnika Skupštine Kantona Sarajevo pokrenula je zastupničku inicijativu kako slijedi:

“Podnosim inicijativu prema ministarstvu zdravstva da se pronađe mehanizam/način kako bi se omogućila dnevna posjeta članu porodice u svrhu rehabilitacije pacijenata na klinici za neuhirurgiju KCUS-a, koji su nakon moždanog udara bili u komi, a nije im se dozvolila posjeta članovima porodice za sve vrijeme njihovog boravka u bolnici”.

U vezi sa pokrenutom zastupničkom inicijativom dostavljamo slijedeći:

**ODGOVOR**

Ministarstvo zdravstva Kantona Sarajevo je predmetnu zastupničku inicijativu dostavilo Kliničkom centru Univerziteta u Sarajevu te osnovom iste zatražilo odgovor.

Klinički centar Univerziteta u Sarajevu je dana 05.07.2022.godine, dostavilo ovom ministarstvu odgovor, i to odgovor Klinike za neurohirurgiju-hirurške discipline, koji u svom odgovoru navode argumente i razloge zbog kojih se ne dozvoljava da članovi porodice vrše rehabilitaciju ležećih pacijenata na toj klinici.

U prilogu akta vam dostavljamo odgovor Kliničkog centra Univerziteta u Sarajevu.

**MINISTAR**

**Prof. dr Haris Vranić**

Dostaviti:

- naslovu
- a/a

Pripremila: Amra Hadžimuratović Čustović, stručni saradnik  
Potvrdila: Amra Isić, sekretar ministarstva



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243  
Sarajevo, Reisa Džemaludina Čauševića 1



**KLINIČKI CENTAR UNIVERZITETA  
U SARAJEVU  
HIRURŠKA DISCIPLINA  
KLINIKA ZA NEUROHIRURGIJU**

4210

Broj: 12-33-6-31626  
Sarajevo, 15.07.2022.godine

int.br. 100 / 22

Bosna i Hercegovina  
Federacija Bosne i Hercegovine  
Kanton Sarajevo  
Ministarstvo zdravstva

**Bosna i Hercegovina  
Federacija Bosne i Hercegovine  
KANTON SARAJEVO**

PRILJEŽNO.			
19-07-2022			
Općinska jedinica	Planifikaciona općina	Redni broj	Broj prilježnice
10	04	18506	36

N/r Ministar, Prof.dr Haris Vranić

**PREDMET: Dostava odgovora na pitanje zastupnice Jasne Duraković**

Poštovani,

Na Vaš akt broj 10-04-18506-36/22 od 01.07.2022.godine (KCUS broj: 01-33-6-30805 od 12.07.2022.godine ) kojim se traži odgovor na poslaničko/zastupničko pitanje koje je uputila zastupnica Jasna Duraković na 52. Radnoj sjednici Skupštine Kantona Sarajevo, održanoj dana 09.06.2022.godine u okviru tačke Dnevnog reda „Poslanička/zastupnička pitanja, inicijative i odgovori“ u prilogu Vam dostavljamo odgovor Klinike za neurohirurgiju KCUS broj 12-33-6-31122 od 12.07.2022.godine sa navedenim priložima.

S poštovanjem,

**ŠEF KLINIKE ZA NEUROHIRURGIJU**  
Prof. dr. *[Signature]*  
Sefer

(po Ovlaštenju Generalne Direktorice broj  
01-04-4-30909 od 12.07.2022.)



Prof. dr. Anel Hadžimehmedagić

**KLINIKA ZA NEUROHIRURGIJU**

Dostavljeno:

1. Naslovu
2. Klinika za neurohirurgiju
3. a/a KCUS

KLINIČKI CENTAR UNIVERZITETA  
U SARAJEVU

HIRURŠKA DISCIPLINA  
KLINIKA ZA NEUROHIRURGIJU

Broj: 12-33-6-3/122  
Sarajevo, 12.07.2022.godine

Int. br: 626/22

**KABINET GENERALNE DIREKTORICE**  
N/r Generalna direktorica, Prof.dr Sebija Izetbegović

**PREDMET:** Dostava odgovora na pitanje zastupnice Jasne Duraković

Poštovana,

Na osnovu dopisa broj 01-33-6-30805 od 12.07.2022.godine kojim se traži odgovor na poslaničko/zastupničko pitanje koje je uputila zastupnica Jasna Duraković na 52. Radnoj sjednici Skupštine Kantona Sarajevo, održanoj dana 09.06.2022.godine u okviru tačke Dnevnog reda „Poslanička/zastupnička pitanja, inicijative i odgovori“ dostavljamo slijedeći odgovor:

1. Svaki pacijent ima ime i prezime, i trebalo bi navesti vrijeme ležanja kako bi odgovor bio precizniji;
2. Porodice pacijenata ne vrše rehabilitaciju pacijenata na Klinici za neurohirurgiju, pogotovo ako se radi o komatoznim pacijentima jer za to postoji specijalno obučeno osoblje koje vrlo profesionalno obavlja svoj posao;
3. Porodici su uvijek na raspolaganju ljekari koji su određeni da taj dan daju informacije direktno ili putem telefona u određenom vremenskom periodu.
4. Mi postupamo prema Odlukama Kriznog štaba koje se donose shodno epidemiološkoj situaciji.

Stoga, da Vam bude jasnije šaljem u prilogu:

- Komisija za sprečavanje i suzbijanje IHI, br.0203-11100,
- Informacija –podsjećanje na obavezu poštivanja smjernica br.01-04-4-51753,
- Naredba Kriznog štaba KCUS-a br.01-33-6-60991,
- Procedura za posjete pacijenata u bolnici br.25.

S poštovanjem,

Šef Klin

iju


Direktor Hirurških discipline

Prof.d

Dostavljeno:

1. Naslovu s prilogom
2. Klinika za neurohirurgiju
3. a/a KCUS

KLINIČKI CENTAR UNIVERZITETA  
U SARAJEVU  
KLINIKA ZA NEUROHIRURGIJU



*Naziv procedure:*

**POSJETA PACIJENTU U BOLNICI**

Grupa:  
III, IV, VI i VII

Broj standarda:  
19.9; 21.7; 21.15.  
21.19; 23.11; 35.21;  
45.55; 48.41; 50.87 i  
55.12

**Proceduru odobravaju:**

Glavna sestra KCUS  
Mr. Ernela Eminović, DMS

Generalna  
Prof. dr. S

Datum usvajanja:

**21-02-2017**

Planirana revizija:  
Svake 3 godine, a po  
potrebi ranije

**SADRŽAJ**

**1. OPĆA IZJAVA O POLITICI**

Posjeta pacijentu hospitaliziranom u neku od OJ/Klinika Kliničkog centra Univerziteta u Sarajevu (u daljnjem tekstu: KCUS) omogućena je skladno individualnim potrebama pacijenta, potrebama njegovih bližih srodnika i drugih osoba.

Pacijenti također imaju pravo da odbiju posjetu ukoliko je ne žele, a osoblje će im u tome pomoći ukoliko je potrebno.

Posjeta je omogućena u ukupnom vremenskom trajanju 60 minuta.

Redovna posjeta je u periodu između 15,30 – 16,30 sati.

Vrijeme posjete vidno je istaknuto na ulazu u OJ/Kliniku.

Posjeta pacijentu u bolnicu mora biti koordinirana od strane zdravstvenih radnika i saradnika u cilju poštivanja pravila kućnog reda bolnice i poštivanja prava pacijenata.

**2. PODRUČJE PRIMJENE**

Sve organizacione jedinice (u daljnjem tekstu: OJ) Kliničkog centra Univerziteta u Sarajevu (u daljnjem tekstu: KCUS).

**3. DISTRIBUCIJA I NADZOR**

3.1. Zdravstveno osoblje/radnici u OJ obavezni su da se detaljno upoznaju sa ovom Procedurom.

3.2. Procedura mora biti dostupna i transparentna svim radnicima i posjetiteljima u OJ.

3.2.1. Svakodnevnu provjeru primjene Procedure obavljaju šef i glavna medicinska sestra-tehničar odjela OJ.

3.3. Šef OJ i glavna medicinska sestra-tehničar OJ svaka tri mjeseca vrše provjeru pravilnosti provedbe ove Procedure i izvještavaju nadređene putem internih pisanih izvještaja.

3.4. U slučaju nepoštivanja ove Procedure odgovorni su šef i glavna medicinska sestra-tehničar OJ.

- 4. PROCEDURA (OPIS PROCESA)**
- 4.1. Prilikom prijema pacijenta u bolnicu, medicinska sestra-tehničar na odjelu obavezna je da pacijenta/zakonskog zastupnika/staratelja (u daljnjem tekstu: pacijent) upozna sa kućnim redom bolnice, te mu obezbijedi pisani Informativni letak za hospitalizaciju (Obrazac br. O-1/4). Također, pacijenta može upoznati sa ovom Procedurom.
- 4.2. Prilikom prijema, medicinska sestra-tehničar obavezna je sa pacijentom obaviti informativni razgovor vezan za posjetu od strane drugih osoba, a gdje će pacijenta detaljno upoznati sa pravilima posjete (dozvoljeni broj posjetilaca, redovna posjeta, varedna posjeta, vremenski interval, posjeta iz duhovnih razloga, posjeta njegovatelja i sl.).
- 4.3. Iskazane potrebe pacijenta, medicinska sestra-tehničar na odjelu obavezna je dokumentovati u sestrinsku dokumentaciju.
- 4.4. Pacijentu je dozvoljeno da zabrani posjetu drugih osoba, odmah po prijemu, ili u toku hospitalizacije (potpis na obrascu informirani pristanak na medicinsku mjeru/hospitalizaciju).
- 4.5. Glavna medicinska sestra-tehničar odjela svakodnevno je u obavezi da ažurira spisak hospitaliziranih pacijenata na odjelu, sa predviđenim i odobrenim brojem posjetilaca, te da isti dostavlja medicinskoj sestri-tehničaru/portiru na recepciji OJ.
- 4.6. Pacijentu koji se nalazi **na odjelu standardne njege** (pokretan, svjestan, komunikativan) dozvoljena je posjeta od strane 1 (jedne) osobe sa zadržavanjem od 10 minuta. U toku redovne posjete dozvoljava se ulazak maksimalno 5 (pet) osoba sa navedenim rasporedom i terminom boravka.
- 4.7. Pacijentima koji se nalaze **na odjelu pojačane njege** (slabije pokretan ili nepokretan, slabije komunikativan) dozvoljena je posjeta od strane 2 (dva) člana uže porodice sa maksimalnim zadržavanjem 15-20 minuta, samo ukoliko članovi porodice žele da učestvuju u higijenskom tretmanu bolesnika. Ukoliko pacijenta posjećuje osoba koje nije bliži član porodice i ukoliko ne učestvuje u pomoći bolesniku, posjeta je ograničena na 10 minuta po osobi. U toku redovne posjete takvog pacijenta mogu posjetiti isključivo 4 (četiri) osobe u predviđenom vremenskom roku za posjetu. Tretman (njege) od strane članova uže porodice pacijenta se dokumentira se u sestrinsku dokumentaciju. (Obrazac br. 12-13/1/1 Plan zdravstvene njege).
- 4.8. **Na odjelima intenzivnog liječenja** posjeta je dozvoljena samo užem članu porodice (1 osoba), ako šef odjela procijeni da stanje pacijenta to zahtijeva, strogo vremenski ograničena na 10 minuta, a uz obavezu poštivanja higijenskih procedura bolnice. Izuzetak su intenzivne njege u OJ u kojima je posjeta strogo zabranjena zbog pojačanog higijensko-epidemiološkog nadzora.
- 4.9. **Pacijentima u terminalnoj fazi** posjete nisu ograničene i dozvoljavaju se isključivo članovima uže porodice, posebno kada su u pitanju djeca u terminalnoj fazi bolesti. Prisustvo posjete se evidentira u sestrinsku dokumentaciju, kao i vremenski period posjete. Ovakve posjete moraju biti najavljene.
- 4.10. Kod individualnih potreba pacijenata za posjetom duhovnog radnika, neophodno je isto omogućiti skladno predviđenom potrebnom vremenu za duhovni tretman, a poštujući sve ostale preporuke osoblja bolnice.
- 4.11. Vanredna posjeta odobrava se na zahtjev pacijenta, samo u slučajevima kada je opravdana prema procjeni glavne medicinske sestre-tehničara odjela i/ili ordinirajućeg ljekara.
- 4.12. Pacijent je obavezan da podnese pismeni zahtjev za vanrednu posjetu pacijentu na Obrascu br. 25/1, a koji će razmotriti zdravstveni tim (glavna medicinska sestra-tehničar odjela, odjeljski ljekar i šef odjela), te će se skladno opravdanim razlozima dati pismena saglasnost- dozvola za posjetu isključivo jednog člana porodice, eventualno dva člana, ukoliko je iskazana potreba za provođenje dodatne njege kod nepokretnog pacijenta (higijenski tretman pacijenta). Kod odobrenja vanredne posjete, šef odjela obavezno određuje vremenski period (maksimalno 60 minuta u toku 24 sata) i dužinu trajanja posjete, o čemu su upoznate dežurne medicinske sestre-tehničari.
- 4.13. U posjetu nije dozvoljeno dovođiti malu djecu (uzrast od 0-12 godina).
- 4.14. Posjete vitalno ne ugroženim pacijentima hospitaliziranim na Klinici za infektivne bolesti, Klinici za ginekologiju i akušerstvo i Pedijatrijskoj Klinici, dozvoljavaju se skladno uputama navedenim u tački 4.6 i 4.7 ove Procedure, ali se isto realizira u izoliranom djelu OJ (balkonski prostor, prostor za posjetu izvan odjela i sl.).

- 4.15. Ukoliko se radi o vitalno ugroženom pacijentu hospitaliziranom na Klinikama pomenutim u tački 4.14., posjeta se može odobriti unutar bolesničkog odjela, samo za užeg člana porodice, uz prethodnu pismenu dozvolu šefa odjela i obavezno poštivanje higijenskih propisa bolnice.
- 4.16. Posjetiocyte obavezno evidentira medicinska sestra-tehničar ili portir na recepciji OJ, a ukoliko isto nije moguće ostvariti, evidenciju provodi medicinska sestra-tehničar na odjelu. Evidencija se vodi u Protokolu (sveska) dnevne evidencije posjete u bolnicu.
- 4.17. Nadzor nad posjetom neophodan je cijelo vrijeme dok traje posjeta.
- 4.18. Nije dozvoljeno unošenje hrane, za kojom nisu iskazane potrebe bolesnika i dato odobrenje ordinirajućeg ljekara, oružje i druga neprimjerena oprema kod posjete u bolnici.
- 4.19. Za vrijeme posjete, nije dozvoljeno da medicinska dokumentacija bude u sobi pacijenta.
- 4.20. Za člana posjete mora biti obezbjeđena stolica za sjedenje u vrijeme posjete.
- 4.21. U slučaju da prilikom posjete dođe do neželjenih događaja incidenata (verbalni ili fizički incidenti), neophodno je pozvati radnike Unutrašnje službe zaštite imovine i lica KCUS na broj lokalnog telefona: 7200.
- 4.22. Nije dozvoljeno da pacijent za vrijeme posjete napušta bolnički prostor. Izuzetak su odobrenja ljekara uz pismeno dopuštenje i administriranje.
- 4.23. Nakon završene posjete, medicinska sestra-tehničar obavezna je da izvrši internu vizitu na odjelu.
- 4.24. Radnice na održavanju čistoće obavezne su da izvrše higijensko čišćenje prostora OJ, posebno mjesta pojačane njege, te isto administriraju u Obrazac br. 2-3/2.
- 4.25. Posjeta može biti obustavljena ili prolongirana ukoliko se na odjelu OJ u vremenskom roku za posjetu pojavi nepredviđena situacija (reanimacija pacijenta, konzilijarni pregled ljekara specijaliste, invazivna medicinska intervencija i sl.).  
U takvim slučajevima, medicinska sestra-tehničar obavezna je da na ljubazan način, ukratko, upozna prisutne posjetitelje sa nastalom situacijom i daljim načinom realizacije posjete.
- 4.26. Posjeta može biti zabranjena zbog moguće epidemiološke situacije, a o čemu će posjetitelji biti informirani putem elektronskih i printanih medija, te putem oglasa na ulaznom mjestu u OJ. Informacije mogu dati medicinske sestre-tehničari i/ili portiri na recepciji OJ.

## 5. REVIZIJA

Revizija ove Procedure vrši se svake tri godine, a prema potrebi i ranije.

- PRILOG:** Informativni letak za hospitalizaciju u KCUS (*Letak broj 0/1/1-4*)  
 Zahtjev za vanrednu posjetu pacijentu (*Obrazac broj 25/1*)  
 Kontrolna lista za sedmičnu evidenciju higijene u OJ/Klinici (*Obrazac broj 2-3/2*)  
 Plan zdravstvene njege (*Obrazac broj 12-13/1/1*)  
 Informirani pristanak na predloženu medicinsku mjeru/proceduru  
 Informirani pristanak o odbijanju predložene medicinske mjere/procedure

### Legislativa:

1. *Zakon o zdravstvenoj zaštiti ("Službene novine FBiH", broj 46/10)*
2. *Zakon o pravima, obavezama i odgovornostima pacijenata ("Službene novine FBiH", broj 40/10)*
3. *Zakon o zdravstvenom osiguranju ("Službene novine FBiH", broj 30/97, 7/02, 70/08 i 48/11)*
4. *Zakon o sistemu poboljšanja kvalitete i sigurnosti i o akreditaciji u zdravstvu ("Službene novine FBiH", broj 59/05 i 52/11)*
5. *Zakon o evidencijama u oblasti zdravstva ("Službene novine FBiH", broj 37/12)*
6. *Zakon o sestринstvu i primalјstvu FBiH ("Službene novine FBiH", broj 43/13)*
7. *Pravilnik o ispunјavanјu uvјeta prostora, opreme i kadra za čuvanje i primјenu lijekova u zdravstvenim ustanovama ("Službene novine FBiH, br. 38/03), čl. 3, 7 i 9 utvrđuju uslove za smјeštaj i čuvanje lijekova u ambulantomama i na bolničkim odjelima*
8. *Pravilnik o kancelariјskom poslovanјu sa listom kategorija registraturne građe sa rokovima čuvanja KCUS ("Službene novine FBiH", broj 0201-4815 od 30.05.2000.g.)*
9. *Pravilnik o unutrašnjem nadzoru KCUS-a broj 0202-44088 od 19.10.2016.g*
10. *Pravilnik o unutrašnjem sistemu poboljšanja kvaliteta i sigurnosti zdravstvenih usluga UKCS-a broj 68/15*

Broj: 01-33-6-60991

Datum: 24-12-2021

Krizni štab KCUS-a, zbog aktuelne epidemiološke situacije i procjene rizika događanja koji mogu dovesti do pogoršanja epidemiološke situacije i potrebe poduzimanja dodatnih mjera za sprečavanje širenja COVID-19 nakon pojave novog soja „Omikron“ koji se rapidno širi zemljama Evrope, iako kod nas nije još uvijek izolovan pitanje je dana kada će se to desiti, a u cilju smanjenja rizika za prenos zaraze kao i pripremu za naredni val pandemije, donosi

**N A R E D B U**

- Odstupa se održavanje svih skupova i sastanaka u KCUS koji nisu neophodni ili hitni, a u slučaju održavanja, uz reduciranje broja osoba koje borave u istim prostorijama;
- Trijažni punktovi nastavljaju rad do daljnjega, pridržavanje striktnih mjera za prevenciju i kontrolu infekcije i praćenje općih i specifičnih preporuka radi sigurnosti osoblja i pacijenata u kontekstu COVID-19;
- Obustavljeno donošenje hrane, odjeće i lijekova za hospitalizirane pacijente klinika KCUS-a od strane rodbine se produžava do daljnjeg, a što se tiče lijekova pacijent sa sobom donosi svoju prethodnu terapiju;
- Obavezno je nošenje zaštitnih maski preko usta i nosa za zaštitu respiratornog sistema u zatvorenom prostoru i uz poštivanje fizičkog razmaka od minimalno 2 metra;
- Obavezno je nošenje maske i na otvorenom prostoru, u krugu KCUS-a, u slučaju da se ne može ostvariti fizički razmak od 2 metra;
- Obavezno vođenje redovne evidencije u OJ o prisustvu na poslu;
- Preraspodjelu zaposlenika vršiti samo u izuzetnim situacijama, odnosno kada je ista neophodna za nesmetano funkcionisanje KCUS-a;
- Sanitarne kontrole na ulazima i dalje na snazi;
- Zabrana posjeta ostaje na snazi do daljnjega.



Prof.dr Sebija Izetbegović, generalna direktorica KCUS Saraj

Prof.dr Nermir Granov, direktor Hirurških disciplina, \_\_\_\_\_

Prof.dr. Alen Džubur, direktor Internističkih disciplina, \_\_\_\_\_

Prof.dr Enra Mehmedika-Suljić, direktor Discipline za nauku

Prof.dr Edo Hasanbegović, direktor Discipline za zdravlje dj

Prof.dr Sandra Vegar-Zubović, direktor Dijagnostičkih discipli

Prof.dr Amra Memić-Serdarević, direktor Neuropsihijatrijske

Dr.sci.med Abou El Ardat Mohamed, direktor Discipline za

Sarajevo, 06.11.2020.godine  
Broj: 01-044-57753

**SVIM ŠEFOVIMA OJ  
GLAVNIM MEDICINSKIM SESTRAMA-TEHNIČARIMA OJ**

**PREDMET: Informacija- podsjećanje na obavezno poštivanje smjernica u vanrednoj situaciji sa COVID 19**

Poštovani,

Podsjećamo Vas na obavezu poštivanja svih propisa vezanih za postupanje u vanrednoj situaciji sa COVID 19 i to:

- Obavezno poštivanje politika i procedura vezano za ličnu zaštitu bolničkog osoblja u radu sa pacijentima
- Upoznavanje bolesnika sa obavezom nošenja zaštitne maske za lice prilikom dolaska u bolnicu, te poštivanjem propisa vezano za fizičku distancu. Prilikom zakazivanja specijalističko/subspecijalističkih konsultativnih pregleda, neophodno je pacijenta upoznati sa vremenskim periodom dolaska na pregled (isto je propisano Politikom i Procedurom br. 281).
- Adekvatno trijažiranje svih bolesnika prilikom hospitalizacije (detaljno uzimanje anamnestičkih/heteroanamnestičkih podataka) i prema utvrđenim potrebama smještanje u izolacione bolničke sobe.
- Pacijente koji su hospitalizirani u bolnicu zbog drugog akutnog ili pogoršanja hroničnog oboljenja, a kod kojih se kliničkim pregledom postavi sumnja na infekciju COVID 19 obavezno testirati uzimanjem nazofaringealnog brisa za PCR COVID 19 i brisa nosa i grla na bakteriološki pregled.
- Obavezno poštivanje svih Politika i Procedura, Algoritama koji se odnose na postupanje sa oboljelim od COVID 19.
- Bolničko osoblje koje je dolazilo u kontakt sa osobom koja ima izražene respiratorne tegobe, obavezno mora da upozna nadređenog u OJ i da najavi izostanak sa posla na vrijeme.
- Odgovorno osoblje u OJ obavezuje se da koordinira sve radne procese i obezbijedi rad u izmjenjenim uslovima ( interni preraspored kadrova, kontrola strogo indiciranih kliničkih pregleda i hospitalizacije i sl.).
- Omogućiti neometano provođenje redovnih medicinskih intervencija kod drugih hospitaliziranih bolesnika uz poštivanje mjera zaštite pacijenata i osoblja. Obavezno poštovati pisani pristanak na medicinske procedure od strane pacijenta/porodice kako prilikom hospitalizacije, tako i prilikom izvođenja invazivnih medicinskih procedura.
- Glavne medicinske sestre OJ obavezuju se da koordiniraju procesom provođenja higijene odjeljenja (pojačana higijena i propisna dezinfekcija radnih površina i prostora).
- Glavne medicinske sestre-tehničari OJ obavezuju se da vrše adekvatan preraspored medicinskih sestara – tehničara za rad u izolatoriju u koordinaciji sa Glavnom medicinskom sestrom KCUS (sve medicinske sestre-tehničari moraju biti adekvatno uključeni u proces rada u izolatoriju prema utvrđenom periodu. Nije dozvoljeno rotirati samo određene medicinske sestre-tehničare za rad u izolatoriju.
- Zabranjene su posjete od strane drugih osoba u OJ (dogovaranje radnih sastanaka sa drugim licima). Izuzetak su posjete koje su opravdane, najavljene i odobrene od strane odgovornih osoba.
- Po utvrđivanju COVID 19 infekcije, obavezno vršiti redovno prijavljivanje prema datim uputstvima Zavoda za javno zdravstvo KS.
- Podsjećam osoblje OJ na važnost dobre timske saradnje, dobre komunikacije sa osobljem drugih OJ, kao i na važnost dobre komunikacije sa pacijentima, u cilju ostvarivanja obostranog zadovoljstva.

S poštovanjem,



Genera

US

Prof. dr S



**KOMISIJA ZA SPRIJEČAVANJE I  
SUZBIJANJE INTRAHOSPITALNIH  
INFEKCIJA**



**KLINIČKI  
CENTAR  
UNIVERZITETA  
SARAJEVO**

Sarajevo, 27-02-2018 2018.godine

Broj: 0202 11/00

**SVIM OJ/KLINIKAMA**

N/r Šefa

Glavne medicinske sestre-tehničara

**PREDMET: Zabrana posjete pacijentima iz preventivnih epidemioloških razloga**

Poštovani,

Na vanrednoj sjednici Komisije za sprječavanje i suzbijanje intrahospitalnih infekcija održanoj 27.02.2018.g. jednoglasno je usvojen zaključak da se zabrani posjeta pacijentima hospitaliziranim u KCUS iz preventivnih epidemioloških razloga, budući da je broj oboljelih i zaraženih virusom influenze u Kantonu Sarajevo u očekivanom porastu.


Zabrana posjete na Klinikama će biti na snazi dok se ne steknu povoljniji epidemiološki uslovi.

Osoblje KCUS se obavezuje na striktno poštivanje Protokola u korištenju zaštitne opreme pri radu sa pacijentima, te mjera propisanih dokumentima kvaliteta za sprječavanje i suzbijanje intrahospitalnih infekcija.

Realizacija navedenog stupa na snagu sa danom donošenja ovog akta.

S poštovanjem,

Prim.dr Nermina Bajramović, spec.infektolog



Genera

Prof. dr

US

vić

prof. Haris Vranić

Bosna i Hercegovina  
Federacija Bosne i Hercegovine  
KANTON SARAJEVO  
Ministarstvo zdravstva



Босна и Херцеговина  
Федерација Босне и Херцеговине  
КАНТОН САРАЈЕВО  
Министарство здравства

Bosnia and Herzegovina  
Federation of Bosnia and Herzegovina

CANTON SARAJEVO  
Ministry of Health

Broj: 10-04-18506-36/22

Sarajevo, 01.07.2022. godine

01-33-6-30806

12-07-2022

**KLINIČKI CENTAR UNIVERZITETA U SARAJEVU**

n/r Generalne direktorice Prof. dr Sebija Izetbegović

ul. Bolnička broj 25

Sarajevo 71000

**PREDMET : Zastupnička inicijativa – odgovor. traži se**

Zastupnica Jasna Duraković na 52. Radnoj sjednici Skupštine Kantona Sarajevo, održanoj dana 09.06.2022.godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo pokrenula je zastupničku inicijativu kao slijedi:

“Podnosim inicijativu prema ministarstvu zdravstva da se pronade mehanizam/način kako bi se omogućila dnevna posjeta članu porodice u svrhu rehabilitacije pacijenata na Klinici za neurohirurgiju KCUS-a, koji su nakon moždanog udara bili u komi, a nije im se dozvolila posjeta članovima porodice za sve vrijeme njihovog boravka u bolnici”.

S tim u vezi, u prilogu akta dostavljamo predmetnu zastupničku inicijativu, te je potrebno da ovom ministarstvu dostavite odgovor na istu u što kraćem roku.

S poštovanjem,

Dostaviti:

- naslovu
- a/a



MINISTAR

Prof. dr Haris Vranić



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243

Sarajevo, Reisa Džemaludina Čauševića 1



**Jasna Duraković**  
**Zastupnica SDP BiH**

**Kanton Sarajevo**  
**Skupština Kantona Sarajevo**  
**Ministarstvu zdravstva KS**

## **INICIJATIVA**

Podnosim inicijativu prema ministarstvu zdravstva da se pronađe mehanizam/način kako bi se omogućila dnevna posjeta članu porodice u svrhu rehabilitacije pacijenata na Klinici za neurohirurgiju KCUS-a, koji su nakon moždanog udara bili u komi, a nije im se dozvolila posjeta članova porodice za sve vrijeme njihovog boravka u bolnici.

## **OBRAZLOŽENJE**

Ova inicijativa potiče od građana koji su iskazali veliko nezadovoljstvo zbog činjenice da im posjete nisu bile dozvoljene u trenutku kada je neki član njihove porodice nakon moždanog udara bio u komi. Pacijenti se, nakon operativnog ili drugog zahvata, smještaju u prostorije intenzivne njege, što je medicinski opravdano u prvim danima rehabilitacije. Međutim, kada se stanje kome nastavi sedmicu, dvije, mjesec ili više dana, takva praksa postaje problem.

Ako ćemo pratiti velike svjetske klinike za neurohirurgiju i njihov humani odnos prema ovakvim pacijentima, smatram da je ovaj naš metod zabrane posjete vrlo loš, zastari, štetan je za pacijente, pa i nehuman, i prema tom pacijentu i prema članovima porodice. Naravno, na drugim klinikama pristup može, ili čak mora, biti drugačiji, ali neurohirurgija je specifična.

Naime, osoba koja nepokretno leži više od 7 dana zahtijeva pomoć oko održavanja higijene (zbog nedostatka osoblja, medicinski kadar ne može stići posvetiti se svakom ležećem pacijentu u mjeri u kojoj bi trebao), zatim primjene različitih tehnika masaže, i, što je najvažnije, komunikacije sa pacijentom.

Naučno je dokazano da, u velikom procentu slučajeva, pacijenti u komi čuju i razumiju zvukove oko sebe, a to im je odličan stimulans za oporavak. U fazi liječenja kada ništa drugo ne pomaže, ovo je jedino što preostaje i daje nadu za izlječenje, jer dužina ležanja bez adekvatne terapije obrnuto je proporcionalna šansi za oporavak.

U vezi sa svim navedenim, prateći svjetske trendove u ovoj oblasti, molim ministarstvo da uputi ovu inicijativu u dalju proceduru, imajući u vidu humanost i neophodnost iste.

Sarajevo, 9.6.2022.

**Jasna Duraković**  
**Zastupnica SDP BiH**